

Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova
Uprava policije

Broj: 02-14-4-2558-11

Datum: 18-10-2019

Na osnovu člana člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19) i člana 70. stav (1) i (4) Zakona o javnim nabavkama („Službeni glasnik BiH”, broj 39/14), policijski komesar, d o n o s i:

O D L U K U

Poništava se otvoreni postupak “Nabavka dijelova uniforme za policijske službenike, Lot 3 – Cipele, Lot 4 - Čizme”, pokrenut na osnovu Obavještenja o nabavci, broj 16475-1-1-52-3-49/19, od 31.05.2019. godine.

Obrazloženje

Na osnovu Odluke, broj 02-14-4-2558, od 30.05.2019. godine i Obavještenja o nabavci, broj 16475-1-1-52-3-49/19, od 31.05.2019. godine, proveden je otvoreni međunarodni postupak za „Nabavku dijelova uniformi za policijske službenike (Lot 3 – Cipele, Lot 4 – Čizme)”. Procijenjena vrijednost nabavke iznosi: Lot 3 – 194.350 KM bez PDV-a, Lot 4 – 362.700 KM bez PDV-a.

Prema Zapisniku sa otvaranja ponuda od 15.07.2019. godine, za aktivno učešće u postupku, dostavljene su ponude od strane ponuđača: Antilop doo Žepče, za Lot 3 i 4; Plan plus doo Zenica, za Lot 3 i 4; i „KM Trade“ doo Visoko, za Lot 3 i 4.

Komisija je u postupku izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-2558-3, od 19.07.2019. godine, na osnovu koga je donijeta odluka o izboru najpovoljnijeg ponuđača, broj 02-14-4-2558-4, od 24.07.2019. godine, kojim je ponuda ponuđača KM Trade doo Visoko, za Lot 3 i Lot 4 ocijenjena kao prihvatljiva dok su ponude ponuđača Plan plus doo Zenica i Antilop doo Žepče odbačene kao neprihvatljive. Odluka o izboru najpovoljnijeg ponuđača je u žalbenom postupku, postupajući po žalbi ponuđača Plan plus doo Zenica, od strane Kancelarije za razmatranje žalbi BiH, rješenjem, broj JN2-01-07-1-1973-8/19, od 11.09.2019. godine, poništena i predmet vraćen ugovornom organu na ponovni postupak.

U ponovljenom postupku Komisija je sačinila Zapisnik o pregledu i ocjeni ponuda, broj 02-14-4-2558-10, od 17.10.2019. godine u kome je navela da:

Ponuda ponuđača Antilop doo Žepče za Lot 3 i 4 ne ispunjava zahtjeve iz tenderske dokumentacije u pogledu formalno-pravne ispravnosti ponuda za Lot 3 i 4 iz razloga što nisu dostavljeni svi dokumenti i na način propisan tenderskom dokumentacijom i uputstvima navedenim u pojašnjenjima tenderske dokumentacije, a odnose se na dokumente vezane za ispunjavanje tehničke i profesionalne sposobnosti (Lot 3 i 4: Certifikat 20347-2012, potvrda o uspješnoj realizaciji ugovora, laboratorijska analiza uzorka) nedostavljanje garancije za ozbiljnost ponude za Lot 3 i 4, dok u ugovoru za Lot 3 nedostaje pečat pored potpisa, te se odbacuje u skladu sa članom 68. stav (1) i stav (4) tačka b) i i) Zakona.


Ponuda ponuđača Plan plus doo Zenica za Lot 3 i 4 ne ispunjava zahtjeve iz tenderske dokumentacije u pogledu formalno-pravne ispravnosti ponuda za Lot 3 i 4 iz razloga što nisu dostavljeni svi dokumenti i na način propisan tenderskom dokumentacijom i uputstvima navedenim u pojašnjenjima tenderske dokumentacije, a odnose se na dokumente vezane za ispunjavanje tehničke i profesionalne sposobnosti (Lot 3 i 4: Certifikat 20347-2012, potvrda o uspješnoj realizaciji ugovora, laboratorijska analiza uzorka), u kopiji ponude nedostaju stranice 81 i 82, te se odbacuje u skladu sa članom 68. stav (1) i stav (4) tačka i) Zakona.

Ponuda ponuđača KM Trade doo Visoko za Lot 3 i 4, ne ispunjava zahtjeve iz tenderske dokumentacije u pogledu formalno-pravne ispravnosti ponuda za Lot 3 i 4, iz razloga što nisu dostavljeni svi dokumenti i na način propisan tenderskom dokumentacijom i uputstvima navedenim u pojašnjenjima tenderske dokumentacije, a odnose se na dokumente vezane za ispunjavanje tehničke i profesionalne sposobnosti (Lot 3 i 4: laboratorijska analiza) i nedostavljanja uzoraka u pakovanju na način propisan tehničkim specifikacijama, te se odbacuje u skladu sa članom 68. stav (1) i stav (4) tačka i) Zakona.

S obzirom da nijedna od primljenih ponuda nije prihvatljiva, shodno članu 69. stav (2) tačka d) Zakona, riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.



POLICIJSKI KOMESAR
Generalni inspektor policije

Nusret Selimović

DOSTAVITI:

1. Komisiji
2. Ponuđačima
- ③ Odjeljenju za odnose s javnošću,
radi objave na web stranici ugov. organa
4. a/a